

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 13.08.2020թ. կայացված ԱՖ434958 որոշումն անփոփոխ, իսկ վարչական բողոքն առանց բավարարման թողնելու մասին

<< 30 >> 09 2020թ. 7-13

12224

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հակոբ Մուրադյանի ՄԴ/126820-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Սևան քաղաքի, Ս.Սևանեցու փողոցի, 21 շենքի, 18 բնակարանի բնակիչ Հակոբ Մուրադյանը դիմումով խնդրել է բեկանել Ճանապարհային ոստիկանության վարչական իրավախախտման գործով կայացված ԱՖ434958 որոշումը՝ նշելով, որ համաձայն չէ որոշման հետ, քանի որ նման խախտում չի կատարել: Վերջինս միաժամանակ հեռախոսակապի միջոցով պնդել է իր դիմումում նշած հանգամանքները և պահանջել գրավոր պատասխան:

Քննարկման արդյունքում պարզվել է, որ վարչական իրավախախտման գործով կայացված ԱՖ434958 որոշումը ենթակա է կատարման հետևյալ պատճառաբանությամբ.

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 70-րդ կետի համաձայն՝ բնակավայրերում և բնակավայրերից դուրս ճանապարհների առանձին հատվածներում, 3.24՝ «Առավելագույն արագության սահմանափակում» նշանի կիրառմամբ, կարող է սահմանվել սույն կանոնների 68-70-րդ կետերով սահմանված առավելագույն արագությունից ինչպես ցածր, այնպես էլ բարձր արագություն: 3.24՝ «Առավելագույն արագության սահմանափակում» նշանի կիրառմամբ սույն կանոնների 68-70-րդ կետերով սահմանված առավելագույն արագությունից բարձր արագություն սահմանելու դեպքում այն չի կարող գերազանցել բնակավայրում 80 կմ/ժ-ը, իսկ բնակավայրից դուրս՝ 110 կմ/ժ-ը:

Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 2-րդ մասով համաձայն երթևեկության սահմանված արագությունը 11-30 կմ/ժ-ով գերազանցելը՝ առաջացնում է տուգանքի նշանակում՝ նվազագույն աշխատավարձի քսանապատիկի չափով:

Ուսումնասիրությամբ պարզվել է, որ 13.08.2020թ. ժամը՝ 17:59-ի սահմաններում Լոռու մարզի Փամբակ գյուղի տարածքում դիմումատուի վարած <<MITSUBISHI>> մակնիշի 26 ՕՏ 886 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 2-րդ սպայական գումարտակի, 5-րդ սպայական վաշտի, 2-րդ սպայական դասակի տեսուչներ, Գ.Խաչատրյանի և Խ.Եգանյանի կողմից՝ ՃԵԿ-ի խախտման համար, այն է, վարորդը բնակավայրում ավտոմոբիլով երթևեկել է 73կմ/ժ արագությամբ, որտեղ թույլատրելի առավելագույն արագությունը սահմանված է 50 կմ/ժ ոչ ավելի արագությամբ, այսինքն հաշվանցելով 10կմ/ժ-ը, գերազանցել է թույլատրելի արագությունը 13 կմ/ժ-ով: Վարորդի նկատմամբ կազմվել է վարչական իրավախախտման վերաբերյալ արձանագրություն և համաձայն ՀՀ Վարչական իրավախախտումների վերաբերյալ օրենսգրքի 124.4-րդ հոդվածի 2-րդ մասով կայացվել է ԱՖ434958 որոշումը Հակոբ Մուրադյանին 20000 ՀՀ դրամի չափով տուգանելու մասին:

Ոստիկանության ծառայողների պարզաբանումների համաձայն՝ իրավախախտումը հայտնաբերվել է ծառայողական ավտոմոբիլում տեղադրված <<Բինար>> տեսակի թիվ 4711 գործարանային համարի արագաչափ սարքի միջոցով, որից հետո՝ սահմանված կարգով ավտոմոբիլը կանգնեցվել է, տեսուչ Գ.Խաչատրյանը մոտեցել է վարորդին, ներկայացել, պարզաբանել է իրավախախտման բնույթը և պահանջել փաստաթղթերը: Վարորդին նախքան արձանագրություն կազմելը առաջարկվել է դիտել իրավախախտման տեսանյութը: Վարորդը տեսանյութը դիտելուց հետո՝ չի ընդունել է իր կողմից թույլ տված իրավախախտումը, չի ստորագրել արձանագրության համապատասխան տողերում ու չի ստացել որոշման օրինակը: Ոստիկանության ծառայողները հայտնել են նաև, որ արագաչափ սարքը ստուգաչափված է /ստուգաչափման վկայական թիվ 029434/, որի համաձայն այն ուժի մեջ է գտնվում 29.04.2020թ.-ից մինչ 29.04.2021թ.: Տեսուչները նշել են նաև, որ իրենց և վարորդի միջև բացի ծառայողական բնույթի խոսակցությունից այլ խոսակցություններ չեն եղել:

Համաձայն <<Ճանապարհային երթևեկության անվտանգության ապահովման մասին>> օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ Այսպիսով դիմումատուի արարքում առկա է Վարչական իրավախախտումների վերաբերյալ << օրենսգրքի 124.4-րդ հոդվածի 2-րդ մասով նախատեսված իրավախախտման զանցակազմը:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 13.08.2020թ. կայացված ԱՖ434958 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Հակոբ Մուրադյանին և Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան